



«ՆՈՐ ԺԱՄԱՆԱԿԻ ԿՐԹՈՒԹՅՈՒՆ» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ

Հետազոտության թեման՝ Բարոյական արժեքներ

Առարկան՝ Հայոց լեզու և գրականություն

Հետազոտող ուսուցիչ՝ Մելանյա Շահվերդյան

Ուսումնական հաստատություն՝ «Օձունի N2 միջնակարգ  
դպրոց» ՊՈԱԿ

Երևան 2023

## **ԲՈՒՆԱԿՈՒԹԱՆ**

1. Ներածություն . . . . .	3
2. Բարոյ ական դաստիարակություն և սեղն ու դերը մանկավարժության և պատմության ևն ևն . . . . .	6
3. Ուսանիչի և դաստիարակի դերը բարոյ ական պոփուկների ձևավորման գործընթացում . . . . .	7
4. Բարոյ ական որակների ձևավորումը առարկայի դասերին . . . . .	10
ա/հ՝ նչ բարոյ ական պոփուկներ են ձևավորվում հեղինակի ուսուցման դասերին . . . . .	11
բ/հ՝ նչ բարոյ ական պոփուկներ են ձևավորում առարկա-առարկաները . . . . .	13
գ/հ՝ նչ բարոյ ական պոփուկներ է ձևավորում էսրսը . . . . .	16
5. Եզրակացություն . . . . .	20
6. Օգտագործված գրականություն ևն . . . . .	23

### *ՆԵՐԱԾՈՒԹՅՈՒՆ*

Կատարյալ տգիտությունը դեռ ամենամեծ չարիքը  
չէ. առավել վատ է կիսատ-պռատությունը:

Պլատոն

Բարոյական արժեքները կազմում են մարդու արժեհամակարգի կարևորագույն մասը: Բարին ու չարը, սերն ու ատելությունը, հարգանքն ու ամոթը, արժանապատվությունն ու պատիվը հիմնական բարոյական արժեքներն են, որոնք բնութագրում են յուրաքանչյուր մարդու, նրա հոգևոր աշխարհն ու էությունը:

Բարոյականությունը սովորեցնում է մարդուն ապրել ճիշտ՝ համաձայն իր էության:

<<Փիլիսոփաները, պատմիչները, աստվածաբանները հատուկ տեղ են հատկացրել բարոյագիտական հարցերին, քննել առաքինությունների, բարոյականության բնույթի և աղբյուրների, չարի և բարու, կամքի ազատության, հոգևոր և բարոյական կատարելագործման, կյանքի և մահվան իմաստի, հայրենասիրության, ժողովուրդների և մարդու ազատության և այլ հարցեր>>\*:

Քսանմեկերորդ դարում, երբ աշխարհը մոլեգնում է պատերազմներից և կործանարար աղետներից, երբ մարդը գիտակցաբար ոչնչացնում է իր նմանին, մյուսներն էլ բնագոյաբար պայքարում են տանիք, սնունդ հայթայթելու և գոյությունը պահպանելու մասին, արդյո՞ք տեղին է խոսել ու մտածել բարոյական արժեքների և դրանց դաստիարակության մասին:

Այսօր համացանցը ողողված է ամենատարբեր տեղեկություններով, որոնք կարող են մարդուն զգել թյուրիմացության մեջսխալ ճանապարհով տանել: Երբեմն դժվար է լինում հասկանալ և տեսնել իրականը: Նույնիսկ չափահաս մարդն է խճճվում, էլ ուր մնաց անչափահասները չխճճվեն:

Քսանմեկերորդ դարի աշխարհաքաղաքականությունը, սպառազինության մրցավազքը և այլ նեգատիվ գործոններ խաթարում են մարդու կյանքի բնականոն ընթացքը և արդի դեռահասի մեծագույն սխրանքը կլինի բարին և չարը տարբերակելու կարողունակությունը:

Ուսումնասիրելով թեմայի հետ կապված տարբեր նյութեր, խորանալով

#### 1. Հայկական համառոտ հանրագիտարան; Ա. Երևան: 1990. Էջ 500

մանկավարժական փորձիս և ունեցած գիտելիքներիս վրա՝ հասկացա, որ բարոյական արժեքներն են, որ պահում են մարդուն իր գոյության ընթացքում և ստիպում են ապրել ու կերտել մարդկության պատմությունը: Բարոյական արժեքներն են, որ մարդու մեջ սերմանում են բարություն, հայրենասիրություն, խոհեմություն, ճշտապահություն, ազնվություն և նմանատիպ այլ արժեքներ, որոնք միշտ են գնահատվել: Կապ չունի՝ մարդը որ ժամանակաշրջանում է ապրում, նա պետք է իր մեջ կրի այդ արժեքները, իսկ դրանց ձևավորման համար մեծ դեր ու տեղ ունեն ընտանիքն ու դպրոցը, որտեղ կրթվում, կերտվում են երեխայի մարմինն ու հոգին, ձևավորվում է ապագայի մարդն ու քաղաքացին:

Բնավորություն կրթելը նույնքան հին է, որքան և ինքը կրթությունը, որը միշտ ունեցել և այժմ էլ ունի երկու խնդիր՝ օգնել երեխային լինել խելացի և դառնալ ավելի լավը:

**Այս աշխատանքի նպատակն է ուսումնասիրել և բացահայտել՝**

ա/ ի՞նչ տեղ է տրվել բարոյական դաստիարակությանը մանկավարժության պատմության մեջ

բ/ ի՞նչ փոփոխություններ են կրում բարոյական արժեքները ժամանակի փոփոխության հետ

զ/ո՞ր արժեքներն են մնայուն

դ/ի՞նչ դեր ունի ընտանիքը բարոյական արժեքների ձևավորման գործընթացում

ե /ի՞նչ բարոյական դաստիարակություն և արժեհամակարգ է տալիս ժամանակակից դպրոցը սովորողին

զ/ ինչպե՞ս է կազմակերպվում բարոյական որակների ձևավորումը առարկայի/մայրենի,գրականություն/ ժամերին:

**Ուսումնական գործընթացում բարոյական արժեքների ձևավորման հիմքում ընկած խնդիրներն են՝**

- 1.Բացահայտել սովորողների արժեհամակարգի առանձնահատկությունները
2. Մշակել և կիրառել այնպիսի մեթոդներ,որոնք կնպաստեն սովորողի բարոյական արժեհամակարգի ձևավորմանը
- 3.Առաջադրել այնպիսի խնդիրներ,իրավիճակներ, որոնց լուծումները փնտրելիս սովորողները կհանգեն բարոյական արժեքների իմաստավորմանը:

***Բարոյական դաստիարակության տեղն ու դերը մանկավարժության պատմության մեջ***

Մարդու բարոյական վարքի չափանիշներ գոյություն են ունեցել դեռևս մարդկային հասարակության առաջացման ժամանակաշրջանում: Բարոյական դաստիարակությունը միշտ էլ հանդիսացել է դաստիարակչական աշխատանքի կարևոր կողմը: Երեխան իր կյանքի առաջին տարիներից ընկալում է բարոյական վարքի պարզագույն կանոնները: Ընտանիքը և դպրոցը դառնում են երեխայի բարոյական նկարագիրը կերտողները:

Բարոյական դաստիարակության և արժեքների մասին խոսել են հին փիլիսոփաներն ու մանկավարժները:

Արիստոտելը բարոյական դաստիարակության բնագավառում մեծ նշանակություն էր տալիս բարոյական հմտություններին ու վարժություններին: Նա առանձնացնում էր դաստիարակության երեք աղբյուրներ՝ բնական ձիրքեր, հմտություններ և բարոյական դաստիարակություն:

Յան Ամոս Կոմենսկու կարծիքով մարդու ինքնակառավարումը դաստիարակության երեք նպատակներից մեկն է, որը ձեռք է բերվում բարոյական դաստիարակության միջոցով: Նա հիմնական առաքիներությունն էր համարում խելացիությունը, չափավորությունը, արիությունը և արդարամտությունը: Սրանցից բացի, Կոմենսկին խորհուրդ էր տալիս երեխաների մոտ զարգացնել

համեստություն, հնազանդություն, բարյացակամություն ուրիշ մարդկանց նկատմամբ, մաքրասիրություն, կարասիրություն, քաղաքավարություն, հարգալիրություն տարեց մարդկանց նկատմամբ, աշխատասիրություն:

Կ. Գ. Ուշինսկին գտնում էր, որ մարդ պետք լինի կատարյալ ֆիզիկապես, մտավորապես և բարոյապես ներդաշնակորեն զարգացած: Դաստիարակության տարբեր կողմերի շարքում Ուշինսկին գլխավոր տեղը հատկացնում էր բարոյականության դաստիարակությանը: Նա գրել է. «Մենք համարձակորեն արտահայտում ենք այն համոզմունքը, որ բարոյական ազդեցությունը կազմում է դաստիարակության գլխավոր, առավել կարևոր խնդիրը, քան ընդհանրապես մտքի զարգացումը և գլուխը գիտելիքներով լցնելը»:

Կ. Գ. Ուշինսկու կարծիքով բարոյական դաստիարակությունը երեխայի մեջ պետք է զարգացնի մարդասիրություն, ազնվություն և ուղղամտություն, աշխատասիրություն, կարգապահություն և պատասխանատվության զգացմունք, սեփական արժանապատվության զգացմունք, որը զուգակցվում է համեստության հետ:

19-րդ դարում Ուշինսկին առավել շեշտադրում էր էր դաստիարակության բարոյական հիմքերի կարևորությունը:

Դաստիարակությունը երեխայի մեջ պետք է զարգացնի ամուր բնավորություն և կամք, տոկունություն, պարտքի զգացմունք:

Անցել են ժամանակներ, փոխվել են մտածողները, հասարակարգերը և մարդկանց արժեհամակարգը, բայց հստակ է մնացել այն, որ երեխան պետք է մեծանա բարոյապես դաստիարակված, լինի բարոյական արժեքների կրողը և դառնա հասարակության արժանի անդամ:

Ճիշտ է՝ վերևում անդրադարձանք ընդամենը մի քանի կարծիքի, բայց նկատեցինք, որ նշանավոր մտածողները առաջնային էին համարում նախ բարոյական, այնուհետև մտավոր և ֆիզիկական դաստիարակությունը:

***Ընտանիքի և դպրոցի դերը բարոյական արժեքների ձևավորման գործընթացում***

Ամենայն ուսուցման և դաստիարակության գործում ուսուցիչն է իր  
մտածելակերպով:  
Դիստերվիզ

Բարոյական արժեքները չափանիշներ են, որոնք օգնում են մարդուն առօրյա կյանքում ազնիվ և արդար որոշումներ կայացնել:

Բարոյականությունը մարդկանց վարքի կարգավորման գիտակցության ձև է, որ արտահայտվում է կյանքի գրեթե բոլոր ոլորտներում:

Հետևելով բարոյական արժեքներին՝ երեխաները կարող են զարգացնել լավ բնավորություն և դրական անձնական հատկություններ:

Բարոյական արժեքներ սերմանողը առաջին հերթին ընտանիքն է: Առողջ սերմեր ցանելն առաջին հերթին ընտանիքի կարևորագույն պարտքն է: Փոխադարձ սիրո, հարգանքի մթնոլորտում մեծացող երեխան օրինակ է վերցնում ծնողներից, ծնողը դառնում է քաջության, բարության, գեղեցկության չափանիշ: Երեխան ձգտում է նմանվել հայրիկին կամ մայրիկին: Տեսնելով ծնողների հարգանքը տատիկ-պապիկների հանդեպ՝ երեխան հասկանում է, որ պետք է միշտ ուշադիր լինի ծերերի և մեծերի հանդեպ: Ամենուր ծնողը պետք է օրինակ ծառայի իր պահվածքով, խոսքով, վարքով:

Բարոյական արժեքներն են օգնում ձևավորել բնավորության դրական գծեր, որոնք են բարությունը, կարեկցելը, ազնվությունը և համեստությունը:

Ընտանիքն օգնում է երեխային ճիշտ մտածելու և դատողություններ անելու հարցում: Ընտանիքի աջակցությունը երեխային դարձնում է ինքնավստահ, լավատես, կողմնորոշվող: Երեխան ավելի շուտ է գտնում իր տեղը և հասկանում իր դերը արտաքին աշխարհում:



Երբ ընտանիքում երեխայի հետ պարզ ու անկեղծ են խասում, հաշվի են առնում նրա կարծիքը, ապա երեխան իրեն սիրված ու գնահատված է զգում:

Անհատի բարոյական նկարագիրը կերտելու հարցում ընտանիքից հետո կարևոր է դպրոցի դերը: Եթե երեխան տանը շփվում է միայն ընտանիքի անդամների հետ, ապա դպրոցում շփվում է տարբեր ընտանիքներ ներկայացնող և տարբեր բարոյական արժեքներ կրող մի քանի տասնյակ մարդկանց հետ: Երեխայի համար դպրոցում ավելի դժվար է, և եթե ուսուցիչները ճիշտ և տեղին դաստիարակչական աշխատանքներ չեն կատարում, ապա երեխայի մեջ արժեքներ են փոխվում և խաթարվում:

Մեծ է ուսուցչի դերը երեխայի բարոյական դաստիարակության գործում: Նա իր պահվածքով, իր օրինակով պետք է դառնա երեխաի իդեալը: Աշակերտը պետք է ձգտի նմանվել իր ուսուցչին: Յան Ամոս Կոմենսկին մեծ տեղ էր տալիս ուսուցչին՝ նրա պաշտոնը համարելով չափազանց պատվավոր, «այնքան հիանալի, որքան ոչ մի ոիրիշը արևի տակ» \* :

Այսօր հատկապես մեծ է դասվարների դերը, որովհետև նրանց շատ են սիրում երեխաները, անվերապահորեն ընդունում են ասածները: Ավելի դժվար է բարձր դասարանների աշակերտների հետ աշխատելը, որովհետև այսօր ուսուցչի դերն ու հարգանքը նվազել է հասարակության մեջ և դրա փոխարեն ավելացել է համացանցի տեղն ու դերը դեռահասների ու հասարակության կյանքում: Աշակերտը շատ հարցերի պատասխաններ ստանում է համացանցից, և ինքն է որոշում՝ ինչ ընտրի, ինչպիսին լինի:

Այնուամենայնիվ, դպրոցը, դասղեկն ու բոլոր ուսուցիչները պետք է իրենց աշխատանքային գործունեության մեջ կարևոր տեղ հատկացնեն բարոյական արժեքների զարգացմանը: Այդ ճանապարհին ուսուցիչը բազում խնդիրներ է լուծում, հաղթահարում մեծ դժվարություններ: Հեշտ է տրվում այն ուսուցչին, ով ճանաչում է իր աշակերտին, գիտի նրա բնավորության թույլ և ուժեղ կողմերը, հոգեբանությունը, ոգևորության աղբյուրները: Ուսուցիչները բազմակողմանի աշխատանքներ պետք է կատարեն՝ համագործակցելով ծնողների, երեխաների, համայնքի և հոգևորականների հետ՝ բարոյական նկարագրով քաղաքացի կերտելու նպատակով:

Բարոյական զգացմունքները անհատական են,տրված բնությունից: Որոշները ձեռք են բերվում մարդկային շփումների ընթացքում, արվեստի հետ հաղորդակցման միջոցով:Դպրոցի առաքելությունն այս ամենը գտնելն ու խորացնելն է,դպրոցը պետք է նպաստի գթասիրտ, մարդասեր, ապրումակցող, գեղագիտական բարձր ճաշակ ունեցող անհատի ձևավորմանը:

3<<Մանկավարժության պատմություն>>1972 Երևան , էջ 52

Բարոյական զգացմունքները բարձրագույն արժեք են դառնում միայն բարոյական գործունեության հետևանքով: Ապրումները միշտ էլ բարոյական են,այլ է դրանց դրսևորումը:Եթե մտքով բարեգործ ենք,բայց գործով չի դրսևորվում, ուրեմն ոչ ոք չի հավատա մարդուն: Դպրոցը միշտ պետք է աջակցի սովորողին, օգնի, որ նա դրսևորի իր բարոյական արժանիքները:

Բարոյական դաստիարակությունը, սակայն, թերի կլինի,եթե դրան համահունչ չէ մտավոր դաստիարակությունը:

Դպրոցը,ուսուցիչը սովորողի մեջ այս երկուսը պետք է խորացնեն զուգահեռաբար, միմյանց շաղկապված:

Կարելի է ենթադրել, որ մարդու գիտակցությունը և վարքագիծը միասին բնորոշում են մարդու բարոյական կերպարը և որոշում նրա դերը այլ մարդկանց հետ հարաբերություններում:

Դպրոց և ընտանիք:Ահա այն երկու միջավայրը ,որը դաստիարակելու է կայուն վարքագծով, գիտակից,հեռատես ու նրբանկատ անհատին:

### ***Բարոյական որակների ձևավորումը առարկայի դասերին***

Ուսումնական երկարատև գործընթացում բոլոր առարկաների դասերին էլ ուսուցիչը սովորողի մեջ ձևավորում է բարոյական որակներ:Բայց առարկաների մեջ կան մի քանիսը,որոնք իրենց ողջ բովանդակությամբ ստեղծված են հենց

բարոյական արժեքներ ձևավորելու նպատակով:Այդ առաքելությունը իրականացնողներն էլ մայրենիի,գրականության, պատմության և հասարակագիտության ուսուցիչներն են:

Որպես մայրենիի և գրականության բազմամյա փորձ ունեցող ուսուցչուհի՝ ուզում եմ ներկայացնել պատասիկներ տարբեր թեմաներով դասերից,որոնք հատկապես նպատակաուղղված են եղել բարոյական արժեքների ձևավորմանը:

**ա/Ի՞նչ բարոյական արժեքներ են ձևավորվում հեքիաթի ուսուցման դասերին**



Դեռևս մանկուց երեխաները լսում են հեքիաթներ,այսօրվա փոքրիկը նաև հնարավորություն ունի օրվա մեջ մի քանի ժամ դիտել մուլտֆիլմեր և իր համար առանձնացնել չարն ու բարին,լավն ու վատը,ունենալ իր սիրելի հերոսներին:Նախակրթարանն ու դպրոցը հեքիաթը ճիշտ ներկայացնողներն ու դաստիարակողներն են:Հեքիաթը մեծ դեր ունի սովորողների բարոյական որակների ձևավորման գործում:

Հեքիաթներ ուսումնասիրում են տարրական դասարաններում և 5-րդ դասարանում՝«Մայրենի» առարկայի դասաժամերին:Դասագրքում կան մի քանի ուսանելի հեքիաթներ ,որոնք իսկապես դաստիարակում են և՛ մեծերին ,և՛ փոքրերին:

<<Երկնքից երեք խնձոր ընկավ>> բաժնում զետեղված <<Ուրիշի համար փոս փորողը ինքը կընկնի մեջը>> , <<Մուրացկանը և հարուստը>>, <<Այգեպան Մոսին>>,<<Խոսող ձուկը>>,<<Եղեգնուհին>> և <<Երեք խորհուրդ>> հեքիաթները

սովորողների մեջ խորացնում են բարության, արդարամտության, ազնվության, աշխատասիրության, համաձայնության և այլ դրական հատկանիշներ: Երեխաները ժիշտ դատողություններ են անում, տարբերակում լավն ու վատը, չարն ու բարին, դրականն ու բացասականը: Խորհուրդներ են տալիս հերոսներին, փոխում հեքիաթի վերջաբանը: Կյանքից օրինակներ են բերում, իրենց ուժերով և պատկերացմամբ բեմադրում հատվածներ:

Քանի որ վերոնշյալ հեքիաթների վերջում կան ասացվածքներ, շատ հաճախ անդրադառնում ենք ժողովրդական առած-ասացվածքներին: «Իմաստության շտեմարան» խորագրով քարտերի վրա գրված ասացվածքներից սովորողները գտնում են իրենց դասին համընկնողը, մեկնաբանում, նմանատիպ մեկ ուրիշը հիշում լսածներից կամ անցած հեքիաթներից: Շատ են սիրում հորինել հեքիաթ և վերջում կիրառել որևէ ասացվածք: Հեքիաթները երեխաներին սովորեցնում են սիրել հարազատին, լավություն անել անձանոթին՝ առանց փոխադարձ ակնկալիքի, աշխատել և գեղեցկացնել շրջապատն ու հայրենիքը, լսել մեծերի խորհուրդները, ապրել սեփական աշխատանքի վաստակով:

Սովորողները սիրում են հեքիաթները և գիտեն, որ հեքիաթի վերջում միշտ հաղթում է բարին, բայց նաև հասկանում են, որ կյանքը հեքիաթ չէ և ճիշտ ապրելու բանաձևը բարձր բարոյական արժեքամակարգ ունենալն է: Հեքիաթի ուսուցման դասերին շատ հաճախ հարցնում եմ, թե տվյալ իրավիճակում, որում հայտնվել է հերոսը, ինքը ի՞նչ կաներ: Աշակերտի պատասխանից որսում եմ դրականն ու բացասականը, խորհուրդներով աննկատ ուղղորդում դեպի բարին ու դրականը: Խնդրում եմ թղթի վրա բնութագրել իրենց, իրենց նմանեցնել հերոսներից մեկին, թվարկել իրենց բնավորության լավ ու վատ կողմերը:

Լրացուցիչ ընթերցում եմ «Բնավորությունների ծառերի մասին» հեքիաթը, որը երեխաների մեջ մի շարք բարոյական որակներ է ձևավորում: Անմատչելի լեռնահովտում աճում էին Բնավորությունների ծառերը, որոնք ունեին չորս կարևոր ճյուղեր՝ հարաբերությունը մարդկանց հետ, վերաբերմունքը իր անձի, աշխատանքի և իրերի հանդեպ: Ծառերից մի մասի վրա կանգնած էին ազնվությունը, առատաձեռնությունը, արժանապատվությունը: Որոշ

ծառերի վրա փաթաթվել էին սուտն ու կեղծիքը: Ծառերից մի քանիսը ճյուղերը կախվել էին ինքնահավանությունից, իսկ որոշների ճյուղերն էլ ազահությունից քավում էին հողին: Կային այնպիսի ամուր ու տոկուն, ուղղաձիգ ծառեր, որոնց անհնար էր սղոցել: Կային և փափուկ, դյուրաթեք ծառեր, որոնց բները կավի նման կարելի էր ծեփել: Լեռնահովտում աճող ծառերը տարբեր էին, որովհետև տարբեր հողերի վրա էին աճում: Արևը մեկին շատ էր ջերմացնում, իսկ մյուսին՝ ոչ: Անձրևը հավասարաչափ չէր տեղում, քամին էլ տարբեր էր լինում յուրաքնչյուրի հանդեպ: Որոշները դիմանում էին քամիներին, որոշները՝ խոնարհվում կամ արմատախիլ լինում:

Այդպիսին են նաև մարդիկ: Սովորողները քննարկում են, գովաբանում տոկուն, ամուր, արդար ծառերին, նույնացնում մարդկանց հետ: Նրանք հասկանում են, որ իրենք ևս պետք է ապրեն ու մեծանան այդ որակներով՝ ազնիվ, ճշտախոս, արդարամիտ, պարզ, մարդասեր ու պարտաճանաչ:

Երեխաները նաև հետևություններ են անում հեքիաթների ավարտի շուրջ. «Ինչու՞ է միշտ հաղթում բարին»՝ հարցին պատասխանում են, որ մարդը ուզում է խաղաղ ու երջանիկ ապրել, որ կյանքում ցանկալին ու ընդունելին միայն բարին է:

### **ԲՐՆՆՆՆՆՆ Բարոյական արժեքներ են ձևավորում առակ-ասացվածքները**

Մեծ է առակների և ասացվածքների դերը երեխայի մոտ բարոյական արժեքների ձևավորման և խորացման գործընթացում: Այս ժանրերը սովորողների մեջ ձևավորում են արժեքային համակարգ:

Նախորդ ենթագլխում նշեցի, որ հեքիաթները ավարտվում են ասացվածքներով, որոնք քննարկվում են: «Իմաստության շտեմարան» քարտերի վրա 5-ական ասացվածքներ են ներկայացվում սովորողներին, և նրանք այդ շարքից գտնում են թեմային համապատասխանողը, խմբավորում են ասացվածքները, գտնում, թե ինչ խրատներ կան դրանց մեջ: Բարոյականություն, խրատ, կենսափորձ դաստիարակող ասացվածքները մեր

բանահյուսության մեջ շատ են և օգնում են աշակերտներին դրանց իմաստը ընկալել և եզրահանգումներ անել կյանքի և որոշ փոխհարաբերությունների մասին:

Ստորև ներկայացնում եմ մի քանի ասացվածքներ, որոնք օգտագործում եմ դասերի ընթացքում՝ բարոյական արժեքներ ձևավորելու նպատակով.

Ինչ որ ցանես, այն կհնձես:

Ինչ որ ասես, այն կլսես:

Հարևանիդ համար մեկն ուզի, որ Աստված քեզ երկուսը տա:

Ուրիշի համար փոս փորոզը ինքը կընկնի մեջը:

Աջով տուր ,որ ձախով առնես:

Լավություն արա, ջուրը գցիր:

Տաշած քարը գետնին չի մնա:

Անգին քարը ցեխի մեջ էլ գին ունի:

Հարևանի հարսը սիրուն է երևում:

Անցած բանի հետևից չեն ընկնի:

Էջը եթե մի տեղ ցեխն ընկնի, էլ այդ տեղով չի անցնի:

Ջուրն ընկնողը անձրևից չի վախենա:

Ծովն անցնողը առվում չի խեղդվի:

Խրատ տվողը շատ է, հաց տվողը՝ քիչ:

Ամեն օր ջուրը գերան չի բերի:

Տատը /պապը/ ամեն օր գաթա չի ուտի:

Քամու բերածը քամին էլ կտանի:

Երկաթը տաք-տաք կծեծեն:

Ժամանակ կա՝ լռելը ոսկի է, խոսելը՝ արծաթ, ժամանակ կա՝ խոսելը ոսկի է, լռելը՝ արծաթ:

Վերմակիդ համեմատ ոտքդ մեկնիր:

Մի ձեռքով երկու ձմերուկ չեն վերցնի:

Կրակի վրա յուղ չեն լցնի:


Ասացվածքների այս շարքով աշակերտները ծանոթանում են բանահյուսության տեսակին, հասկանում դաստիարակչական

նշանակությունը, կարողանում են խոսքի մեջ տեղին օգտագործել ասացվածքները, զարգանում է քննադատական և ստեղծագործական մտածողությունը:

Երբեմն հանձնարարում են շարադրանք գրել՝ վերնագիր ընտրելով որևէ ասացվածք: Ստեղծագործական մտքի թռիչքը շատ հետաքրքիր է, արդյունքը՝ հրաշալի: Գրում են տրամաբանված, կապակցված, վերնագրին լրիվ համապատասխանող պատմություններ և ճիշտ ավարտ են ընտրում՝ այն ամփոփելով համապատասխան ասացվածքով:

Նույն դերն ու դաստիարակչական նշանակությունն ունեն առակները: Տարբեր դասարաններում սովորողները ծանոթանում են հայ և համաշխարհային գրականության առակներին; 5-րդ դասարանում ուսումնական ծրագրով նախատեսված առակները սովորեցնում են լինել ազնիվ, չմեծամտանալ, գնահատել սեփական ուժերը /«Խիտունջն ու սունկը»/, գնահատել լավ մարդուն, որ մարգարտի նման թաքնված է ծովի խորքերում /«Մարգարիտն ու փրփուրը»/, գնահատել և շնորհակալ լինել արժանիքների համար, որ տրված են քեզ /«Կյանքից թանկ բանը»/, հիշել նրանց, ովքեր չերևալով՝ օգնում են ուրիշներին հասնել հաջողությունների /«Տերևներն ու արմատները»/:

Աստվածաշնչյան առակներից ուսումնասիրում ենք «Մարդը, որ ներել չէր ուզում» առակը: Այստեղ շեշտը դրված է քրիստոնեական բարոյականության ոսկե կանոնի վրա. «Այն ամենը, ինչ կամենաք, որ մարդիկ ձեզ անեն, այդպես և դուք արեք



Սովորողները եթե կարողանում են ճիշտ մեկնաբանել առակների բարոյախրատական ասելիքը, նշանակում է նրանք ճիշտ ճանապարհի վրա են և իրերը և երևույթները տեսնում են այնպես, ինչպես կան; ճիշտ և առողջ

դատողություններ կատարող սովորողը, իմ կարծիքով, չի կարող բնավորության և բարոյականության վատ դրսևորումներ ցուցաբերել:

Տարիների ընթացքում նա կդառնա բարոյական դրական արժանիքներ ունեցող անհատ, որ իր օրինակով կդաստիարակի նաև ուրիշներին:

### գ/Ի՞նչ բարոյական արժեքներ է ձևավորում էպոսը



Մեծ է հայ ժողովրդական էպոսի դերը սերունդների բարոյական դաստիարակության ու հոգևոր մշակույթի ձևավորման գործում: Էպոսի ուսուցման ընթացքում այլ հարցերից զատ խոսում և բարձր ենք գնահատում հերոսների պարզամտությունը, համառությունը, պատվասիրությունը, մարդասիրությունն ու ազատամտությունը: Շատ հաճախ ենք անդրադառնում հերոսների բնավորության բոլոր գծերին, գտնում դրականն ու բացասականը, արժևորում դրական գծերը, ժպտում և ուրախանում՝ որոշ հատվածներ ընթերցելով:

Էպոսի հերոսների մեջ առանձնացնում են բնավորության մի քանի կարևոր գծեր: Առաջինը, իհարկե, քննարկում ենք նրանց <<ծուռ>> լինելը:

Հարց. <<Ի՞նչ էք, էթե նրանք իրականում <<ծուռ>> լինեին կամ մտքով տկար, ժողովուրդը կսիրեր և կգովերգեր նրանց>>: Սովորողների մեկնաբանությունները նունատիպ են. նրանք իրականում պարզ ու միամիտ



մարդիկ են, ովքեր բոլորին նայում են իրենց տեսանկյունից, բայց երբ հասկանում են պահի լրջությունը, արդեն համառ են և անդրդվելի:

Մեծ Միերի ձի ընտրելու պատմությունը միշտ ժպիտ է պարզում աշակերտներին և այդ պահից սկսած սիրում են նրան: Քանի որ Միերը ոչ միայն իր ուժն էր ցուցադրում՝ խփելով ձիերի գավակներին, այլ նաև ծռությունը, երբ քուռակին շալակած տանում էր: Ողջ քաղաքը ծիծաղում էր՝ տեսնելով դա, իսկ Միերը՝ Մասնա ծուռը, արհամարհում էր բոլորին, որովհետև գիտեր, որ ուժեղ ձի է տանում:

Սովորողները գնահատում են Մեծ Միերի համառությունը, ուժը, ինչ-որ տեղ էլ պատանեկան մեծամտությունը: Չէ՞ որ արդեն գիտեն, որ Միերը ամենահայրենասեր ու Մասունին նվիրված հերոսն է:

Նա 15 տարեկանում առյուծ է կիսել հանուն ժողովրդի, որ սովից չմեռնեն: Իսկ դրանից առաջ հարցնում էր. «առյուծն ի՞նչ է, իմա՞լ առյուծ», «հեռվանց կուտի, թե՞ մոտենաս ու նոր կուտի»:

Անվերջ են նրանց միամտության դրսևորումները: Դավիթը մի ամբողջ օր կռվում է արևի շողի հետ, Փոքր Միերը չի թողնում անցնեն իր կառուցած կամրջի վրայով, ծեծում է և՛ անցնողներին, և՛ չանցնողներին: Սակայն «միամիտ լինելով հանդերձ, մեր քաջագունները անմիտ ու անգետ չեն: Մեր ժողովրդի սիրելի հերոսները մանկությունից արդեն դառնում են գրագետ ու բանիմաց: Մանասարին ու Բաղդասարին կրթում է հայ քահանան, որ Ծովինարի հետ Բաղդասդ էր մեկնել: Մեծ Միերն էլ, երբ դարձավ յոթ տարեկան. «Էնոր վանք-վարժատուն դրին, քիչ մը սորվավ, շնորհքով լցվավ»:

Մասնա բոլոր քաջերը հմուտ որսորդներ ու անվեհեր մարտիկներ են, կառուցող-շինարարներ: Մասունը կառուցեցին Մանասարն ու Բաղդասարը, Մարութա բարձր Աստվածածինը՝ Մեծ Միերը, որը նաև այդտեղ ապաստան էր տալիս պանդուխտ մարդկանց:

Եթե թշնամին հանգիստ թողներ, ապա մեր քաջերը կապրեին, կարարեին ու կկառուցեին միայն: Նրանց ստիպում էին թուր վերցնել և կռվել ավազակների, հարկահանների ու բանակների դեմ: Ու այս ամենի մեջ ի՞նչն է հատկանշական, որ բարոյական արժեք է ու բնորոշ բոլորին՝ վեհանձնությունը և անձնագոհությունը: Նրանք միշտ միայնակ են գնում կռիվ, չեն թողնում ուրիշները

խառնվեն:Նրանց վստահել է ժողովուրդը,և իրենք պատասխանատվություն են զգում նրանց առաջ:Անձնագոհ են բոլոր հարցերում,նրանք պատրաստ են մեռնել հողի,ծնողի,ժողովրդի համար:Մեծ Միերն ու Արմաղանը Սասնա ճրագը վառ պահելու համար ծնում են Դավթին՝իմանալով,որ պիտի մեռնեն նույն օրը:

Սասնա բոլոր հերոսները սիրում են ազատությունը,ատում են բռնությունը ու երբեք անտեղի ոչ մեկի չեն նեղացնում կամ բռնանում:

Նրանք նաև զգացմունքային են,ծնողասեր,օժտված են զգայուն սրտով ,ջերմ ու խոր զգացմունքներով: Փոքր Միերը երեք օր պառկած լացեց և ողբ ասաց ծնողների մահվան լուրը լսելուց հետո:

Դավիթը օրհասական ճակատամարտի ժամանակ հարգեց Իսմիլ Խաթունին և մի զարկը բաշխեց նրան,քանի որ իրեն մայրություն էր արել:Դավիթը քաջ էր ու բարի:Հարգում է մեծերին,լսում նրանց խորհուրդները,մեծ մարդասեր է Կռիվ գնալուց առաջ զգուշացնում է թշնամուն,հրաժեշտ տալիս բոլորին,լսում և հարգում է նույնիսկ թշնամու քանակի ծերունու խոսքը:



Սասնա հերոսների յուրաքնչյուր արարք մի դաս է և խորհուրդ սերունդներին՝ արժանապատիվ ու բարոյական նկարագիր կերտելու ճանապարհին:

Էպոսի սյուժեն և հերոսների նկարագիրն ու արարքները սովորեցնում են լինել հայրենասեր, ազատատենչ, մարդասեր, ազնիվ, պարկեշտ, անձնագոհ, վեհանձն, խիզախ, իմաստուն, խոհեմ, նպատակասլաց:

Էպոսի մեջ մեր ժողովուրդը չի կորցրել իր առողջ հումորը իր հերոսների հանդեպ, որոնք սովորական մարդիկ են և ունեն նաև մարդկային թուլություններ. . . Սասնա հերոսներին հենց այդ թուլություններն են մոտեցնում մարդկայինին և բնականին:

<<Սասնա ծռեր>> էպոսը բարոյախրատական մի մեծ հանրագիտարան է, որը սերունդների մեջ կարող է արթնացնել, սերմանել ու դաստիարակել բարձր ու վեհ արժեքներ, որոնց շնորհիվ էլ կդառնան հասարակության արժանապատիվ, վեհանձն ու կիրթ անդամներ:

### ԵԶՐԱԿԱՑՈՒԹՅՈՒՆ

Հետազոտական աշխատանքը կատարել ուց առաջ ստեղծել և օգտագործել եմ հետևյալ գործիքակազմը.

- Կազմել եմ հարցաշար, որոնցով պիտի առաջնորդվեի աշխատանքը կատարել իս
- Հավաքել եմ համապատասխան գրականության ուն, որոնցում կգտնեի ինձ հետաքրքրող հարցերի պատասխանները
- Օգտվել եմ համացանցում եղած համապատասխան տեղեկատվության ունից:

Թեման շատ հետաքրքիր էր և իր մեջ ներառում էր համամարդկային շարժումներ: Աշխատանքի մեջ փորձել եմ որոշակի չափով ներկայացնել նաև իմ փորձն ու գիտելիքները, որքանով դրանք առկա վրում են նյ ու թին:

Ուսումնասիրության ընթացքում հակացարձ մարդկությանն համար միշտ էլ կարևոր են եղել բարոյական արժեքներն ու դաստիարակության ունը: Ժամանակի փոփոխության, հասարակագետի ձևավորման գործընթացում տեղի են ունենում փոփոխական փոփոխության ուններ, բայց կան արժեքներ, որ մնայուն են: Իմ կարծիքով բոլոր ժամանակների տրամաբանության մեջ են «լավ ու վատ», «չար ու բարի» հակացության ունները, և դրանք միշտ են լինելու: Յուրաքանչյուր մարդ և հասարակության ուն ունի դրանց սահմանման և ընկալման իր չափանիշները:

Աշխատանքի իրականացման ընթացքում եկա այն եզրահանգման, որ բարոյական արժեքների ձևավորման և դաստիարակությանն նպաստող սովորողների մեջ ախր է զարգացնել որոշակի կարողունակություններ՝ ինքնաճանաչողական, ժողովրդավարական և քաղաքացիական, մշակութային, որակագիտական համայնքային կրթնակարգի ունքների:

Սովորողը

- կարողանա հավասարակշռել և ներդաշնակել իր զգացմունքները, ցանկությունները, կարիքները, ընդունել սեփական յ ուն հասարակության ունները/ՀԴՁ-Հ36/
- ցուցաբերի հանդուժողականություն ուն, ապրումնական և մարդասիրական ուն/ՀԴՁ-Հ41/

- դրսևորի մշակույթային ընկալման և պոժտորման կարողութթ ունևներ, պոլեստի որոշ սեսակներում սստեղծագործական սշխասմքներ կատարել ու ունևկուլթ ունևներ և հմսուլթ ունևներ/ՅՄԶ-Յ42/
- ճմնսշի սստեղծագործական սարբեր ժմերեր և ոճեր, պոլեստի միջոցով սստեղծագործաբար պոտսհայ սի իր գաղախարները և հուլ զերը/ՅՄԶ-Յ43/
- վերսհսկի իր զգգցմուևքները և, իր աջևղևի նաթսակներ, մշակի դրսևց համևել ու ուղիներ ևլ իևի հեստողական/ՅՄԶ-ԼՅ2/
- կարևորի իր՝ որսխ քաղաքսցու դերը հասարակուլթ մև մեջ սոցիալ սկան պոդարուլթ մև և ժողովրդալարական մշակուլ թի ճևալիորման գործում, ցուցաբերի հպոգմևք ցմևկսցսծ մարդու պոժմնասաթոլուլթ մև, հիմևարար իրալուևքների և սգաաուլթ ունևների հմևդես/ՅՄԶ-ԼՅ5/
- ճմնսշի իր դերը և սթատսիմնասթոլուլթ ուևը ընսամիքում, իմբում և հասարակուլթ մև մեջ/ՅՄԶ-ԼՅ8/
- դրսևորի հպոգալից և հոգաաար վերաբերմուևք սգգայիև և համսշխարհայիև պոլեստի պոժեքների նկատմևք, ցուցաբերի մշակուլ թի իմսցուլթ ուև և դրա հեստ հաղորդակցվել ու ճգաում/ՅՄԶ-ԼՅ9/:

Ամփոփելով հեսագոտական սշխաստանքս՝ նշեմ, որ ուսուցման գործընթացում սովորողների մոտ բարոյական բարձր արժեքների սերմանումը պակաս կարևոր չէ գիտելիքների փոխանցումից, կարողությունների և հմտությունների ճևավորումից: Այստեղից էլ բխում է այն անհերքելի ճշմարտությունը, որ ուսուցիչն է այն առանցքային անձը, ով իր ուսերին է վերցնում այս անչափ պատասխանատու առաքելությունը:

Չնայած բոլոր առարկաների դասաժամերին էլ ուսուցիչները իրականացնում են բարոյական դաստիարակություն, բայց մայրենիի և գրականության դասաժամերին բարոյական դաստիարակությունը նան ուսումնական ծրագրի բաղկացուցիչ մաս է: Էպոսի, հեքիաթների, առակների միջոցով աշակերտներին է մատուցվում բարոյական բարձր արժեքների մի ողջ համակարգ, և ուսուցչի անմնացորդ և հմուտ սշխաստանքը պիտի խթան հանդիսանա , որ հետագայում աշակերտները դառնան այդ արժեքների կրողները, կիրառողները և փոխանցողները:

Ուսուցիչները ճիշտ ընտրված մեթոդական մարտավարության շնորհիվ պետք է կարողանան բացահայտել աշակերտների մոտ արդի բարոյական արժեքների առանձնահատկությունները և կազմակերպեն հետագա արդյունավետ սշխաստանքը:

Շատ կարևոր է գրական երկերի, առակների, էպոսի, հեքիաթների և արդի իրականության հետ կապերի ստեղծումը, համեմատությունների և վերլուծությունների իրականացումը:

Բարոյական արժեքները հասարակական կյանքը կարգավորող նորմատիվ բնույթ են կրում, և այս հանգամանքով է պայմանավորված, որ հնագույն ժամանակներից սկսած օրենքների հիմքում ընկած է եղել բարոյական արժեքների պաշտպանությունը: Վերոնշյալից կարող ենք եզրակացնել, որ դպրոցում ստացած բարոյական արժեքները հիմնաքար են հանդիսանում աշակերտների հետագա քաղաքացիական կյանքի համար: Եվ ապագայի հասարակության արժանապատիվ անդամների կերտումը մեծապես կախված է դպրոցում ստացած բարոյական դաստիարակությունից

*Օգտագործված գրականության ցանկ*

1. <<Ասուրեցի Ղափիթ>>, Զյւլ ակտորատ, 1961, Երևան
2. Ն Ա Կոստանսինով, Ե Ն Արդինսկի, Ա Ֆ Շաբալա Անկալպոժու թ յ ան  
սպառու թ յ ու Ն, 1972, <<Լույ ս>>, Երևան
3. Ն Ի Բոլ դիրև Ղաղէկ, 1974, <<Լույ ս>>, Երևան
4. Զյւլ կական համառոտ հանրագիտարան Ա, Երևան, 1990
5. Նախշափիղ 3-4, Սվրոռոյների բարոյ ական որակների ձևախորու մը հեքիաթների  
միջոցով, 2005, Երևան
6. Զ. Բախչիկնյ ան, Ա Արիկնյ ան, Զ. Բախաջ ան, <<Զյւլ գրականու թ յ ու Ն>> 2005, <<Լույ ս>> Երևան
7. Ա Նիկողոյ ան-Զյւլ ժողովրդական առաններ և սասցվածքներ, 2013, Երևան
8. Դ Գ ու ըջիկնյ ան, Թ Ա Եքսանյ ան, Ա Գալ սոյ ան <<Այ յենի 5>> 2015, <<Էդիթ Պրինս>>, Երևան
9. Արդ և հասարակու թ յ ու Ն N 1. 2016  
Ա Իզոյ ան <<Եկառու թ յ ան և բարոյ ականու թ յ ան հիմնահարցի իմաստախորու մը 21-րդ դարի  
երիտասարդու թ յ ան շրջանու մ>>
10. [erexa.am](http://erexa.am), [cdn.armpproject.org](http://cdn.armpproject.org) <<Երեխայ ի բարոյ ական սրժեքներն ու բնախորու թ յ ու Նը>>:

